

## **Protocol fat bun da la radunanza cumünala dals 21 lügl 2011**

### **Protocol no. 11**

#### **Radunanza cumünala dals 16 december 2010, 20.15 – 24.00**

Preschaintas: 66 persunas

S-chüsats: Marianne Werro e Seraina Felix

Il capo constata cha la radunanza saja gnüda convochada in basa a nossa constitu-ziun cumünala e dumonda sch'inchün haja da far objecziuns. Sainza chi vegnan fattas objecziuns, vegnan nominats seguaints scrutinadurs: Gian Caviezel e Ludwig Noggler.

### **Protocol**

Il protocol no. 10 da la radunanza cumünala dals 7 october 2010 vain approvà in fond correcturas da la part dal votum suot la tractanda 2 Varia.

Il president da la cumischiun sindicatoria orientescha in quist connex sur da stadi actual e ch'ün perit examina uossa l'andamaint d'ün pêr surdattas da lavur.

#### **1 9 FINANZAS ED IMPOSTAS Fixar il pê d'impostas cumünalas pel 2011**

Il Cussagl cumünal propuona a la radunanza cumünala da laschar il pê d'impostas vezziend las bleras investiziuns necessarias i'ls prossems ons sün 120% da l'imposta chantunala simpla. Da la vart da l'egualisaziun da finanzas sun asgürats fr. 132'000.-- schi nu's sbassa las impostas suot 120 %. Ün sbassamaint vess la perdita da quist import per consequenza.

Ün votant fa la proposta da sbassar il pê d'impostas sün 110%. Trais oters votants fan la proposta da sbassar il pê sün 105 %.

La radunanza cumünala decida cun gronda majorità da vuschs da seguir a la proposta da sbassar il pê per tuottas impostas cumünalas pel 2011 sün 105 % da l'imposta chantunala simpla.

#### **2 9 FINANZAS ED IMPOSTAS Preventiv da la gestiun cumünala pel 2011**

Il capo e schef da finanzas e'ls respunsabels pels differents decasteris orienteschan concernent il preventiv preschantà. Plüssas remarchas e dumondas vegnan respusas e tuttas a cogniziun.

La radunanza cumünala decida in scrutin avert, cun gronda majorità da vuschs da far bun il preventiv cumünal pel 2011, in considerond il sbassamaint da las impostas, sco preschantà chi muossa in quel cas pro entradas da fr. 7'494'910.-- e sortidas da fr. 7'716'980.--, ün s-chavd da fr 222'070.--.

**Preventiv d'investiziuns pel 2011**

Ils responsabels pels differents decasteris orienteschan detagliadamaing concernent il preventiv d'investiziuns pel 2011. I seguan plüs votums, tanter oter vain decis il sequaint

1. Il lö e'l concept dal tir da chatscha ha amo da gnir sancziunà da la radunanza cumünala.
2. I vain fat la proposta da strichar il concept per la sanaziun da la chasa da scoula. La radunanza cumünala decida in scrutin serrà, cun 41 cunter 24 vuschs (vödas 1) da laschar quist post illas investiziuns.
3. Davo ün'animada discussiun decida la radunanza cumünala, sün proposta, in scrutin serrà, cun 37 cunter 28 vuschs (vödas 1) da strichar la cumprita d'üna maschina cun pala idraulica.
4. Ün votant vuless gugent savair our da che cha'ls imports da la planisaziun cumünala consistan (ons 2009 fin 2011). L'explicaziun segua illa prossma radunanza cumünala.

La radunanza cumünala decida in scrutin avert, cun gronda majorità da vuschs da far bun il preventiv d'investiziuns pel 2011 cullas müdadas manzunadas survart. Il preventiv muossa pro sortidas da fr. 2'798'000.-- ed entradas da fr. 1'681'700.-- ün' investiziun netta da fr. 1'116'300.--.

**VENDITA DA FORZA****Convegna tanter ils Cumüns Concessiunaris e las Ouvres Electricas d'Engiadina**

Il capo declera a la radunanza cumünala ils puncts essenzials da la convegno. Quista convegno dà als cumüns la pussibilità da spordscher als abitants ed a l'economia d'ürant ils prossems 40 ons predschs d'energia electrica fich favuraivels, facilmaing ils plü favuraivels in Svizra.

La radunanza cumünala decida sainza cuntravusch da far bun la convegno preschantada.

**VARIA****Promoziun 1. abitaziuns e direcziun 2. abitaziuns**

Martin Pernet ha fat tschertas objecziuns invers il fögl volant cumparü anonim avant la votumaziun dals 28 november 2010 e muossavia cha'l cuntgnü da quist saja per gronda part ingüna basa da discussiun d'impersè ün pamflet chi laiva far gnir malsgür la gliעד. Ün votant es plainamaing daperüna cul votum survart e chatta deploabel cha quista gruppa laiva eir amo ir a controllar l'andamaint da la votumaziun. Quai muossa la gronda disfiduzcha cha quista gruppa ha invers las instanzas cumünalas. Ün votant manzuna ch'el saja stat quel chi haja fat quista dumonda davo ch'ün cusglier til vaiva dit sün via cha quista ledscha stopcha gnir sforzada tras.

La cumischiun sindicatoria orientescha ch'els hajan fat quista controlla in lur funcziun sco organ da controlla e pudü constattar cha la lavur da l'adminstraziun saja gnüda fatta in uorden e correctamaing.